



**IX GOVERNUN  
KONSTITUSIONAL**

**MINISTÉRIU  
ADMINISTRASAUN ESTATAL**

**Grupú Tékniku Permanente - GTP**

(DL 3/2016 republikadu ho DL 84/2023)





## **Grupu Tékniku Permanente - GTP**

(DL 3/2016 republikadu ho DL 84/2023)

## Kriasaun no misaun

(Art. 143)

1. Funciona hamutuk ho GTIM, Grupu Tékniku Permanente ida, ne'ebé habadak ba naran GTP.
2. GTP nia misaun maka atu prepara proposta, estratéjia, estudu no relatóriu sira ne'ebé atu sai objektu diskussaun no deliberaun nian iha GTIM no promove sira nia ezekusaun.


## Kompeténsia sira

(Art. 144)

Kompete ba GTP:

- a) Elabora no submete ba diskusaun no deliberaun GTIM nian, relatóriu ida kona-ba servisu no rekursu materiál, umanu no finanseiru sira, nebe eziste hela iha nível Administrasaun Lokal nian;
- b) Elabora no submete ba diskusaun no deliberaun GTIM nian, relatóriu ida kona-ba obstákulu hirak prinsipál iha dezenvolvimentu Administrasaun Lokal nian;
- c) Identifika no submete ba diskusaun no deliberaun GTIM bainhira adopta medida hirak ne'ebé hakarak hadi'a efetividade, ekuidade no efisiénsia prestasaun servisu sira hosi parte Administrasaun Lokál nian;
- d) Hakerek no submete ba diskusaun no deliberaun GTIM nian, estratéjia hirak kona-ba kapasitasaun rekursus umanus iha Administrasaun Lokál nian;

- e) Elabora no submete ba diskusaun no deliberaun GTIM nian, poposta hirak kona-ba deskonsentrasaun kompeténsia sira iha órgaun no servisu Administrasaun Lokalnian;
- f) Elabora no submete ba diskusaun no deliberaun GTIM nian, proposta hirak kona-ba atu entrega fali atribuisaun no kompeténsia sira ba Poder Lokal;
- g) Elabora no submete ba diskusaun no deliberaun GTIM nian, relatóriu periódiku sira kona-ba avaliasaun ba efetividade, qualidade, ekuidade no efisiénsia iha prestasaun servisu sira iha Administrasaun Local nian;
- h) Elabora no submete ba diskusaun no deliberaun GTIM nian, relatóriu mensál (kada fulan) sira kona-ba akompañamentu no avaliasaun ba evolusaun transferénsia rekursus umanus, prosessu administrativu sira, prosedimentu administrativu hirak la'ò hela, arkivu dokumentu sira, mobiliáriu sira ba eskritóriu, ekipamentu ba eskritóriu, ekipamentu informátiku sira no karreta transporte nian, ne'ebé afeta ba servisu administrasaun sentrál ka ba delegasaun territoriál sira ba autoridade munisipál sira no propoin ba Membru Governu responsável ba administrasaun estatal atualizasaun ka korresaun hirak ne'ebé konsidera hanesan nesesáriu;


- 
- i) Elabora no submete ba diskusaun no deliberaun GTIM nian, relatóriu trimestral (kada fulan tolu) sira kona-ba akompañamentu no avaliaun ba ezekusaun Polítika Desentralizasaun Administrativa no Poder Lokal nian no apresenta ba Membro Governu responsável ba administrasaun estatal, proposta hirak kona-ba korresaun no atualizasaun ne'ebé relasiona ho ida ne'e no konsidera nesesáriu;
  - j) Elabora no submete ba diskusaun no deliberaun GTIM nian, relatóriu semestral (kada fulan neen) sira kona-ba avaliaun kondisaun hirak eziste iha kada munisípiu atu harí autarkia lokal;
  - k) Elabora no submete ba diskusaun no deliberaun GTIM nian, iniciativa legislativa sira ne'ebé iha objetivu ka insidensia ho reforma Administrasaun Lokal nian;
  - l) Hala'o servisu hirak seluk nebe preve ona iha lei ka regulamentu, no mos servisu hirak seluk ne'ebé maka determina hosi GTIM.

# Kompozisaun

(Art. 145)

GTP forma hosi:

- a. Ministru Administrasaun Estatal, ne'ebé prezide servisu Grupu Tékniku Permanente ne'e;
- b. Diretor-Jerál Desentralizasaun Administrativa no Governu Lokál;
- c. Diretor-Jerál Simplifikasaun no Modernizasaun Administrasaun Lokál nain;
- d. Diretor-Jerál Toponímia no Organizasaun Urbana;
- e. Diretor-Jerál Desenvovimentu Lokál;
- f. Diretor-Jerál Sekretariadu Tékniku Administrasaun Eleitorál;
- g. Diretor Nasionál Governu Lokál;
- h. Diretor Nasionál Planeamentu no Finansas Munisipais;
- i. Diretor Nasionál Apoiu ba Harí Munisípiu sira;
- j. Diretor Nasionál ba Simplifikasaun Administrativa no Plataforma Eletrónica;

- 
- k. Diretor Nasionál ba Apoiu Administrasaun Suku nian;
  - l. Diretor Nasionál ba Apoiu Implementasaun Planeamentu no desenvolvimentu integradu Munispál;
  - m. Diretor Nasionál ba Monitorizasaun no Avaliasaun Administrasaun Lokál;
  - n. Diretor Nasionál Apoiu ba Desenvolvimentu Munispál;
  - o. Diretor Nasionál ba Efisiensia Adimnistrasaun Lokál.

## Sorumutu sira

(Art. 146)

1. GTP hala'o sorumutu ordináriu kinzena (loron sanulu resin lima) ida, dala ida, no hala'o sorumutuk estraordináriu bainhira iha konvokatóriu ofisiál hosi ninia presidente.
2. Tuir sorumutu GTP nian, maibé la iha direitu ba votu, maka dirijente ka tékniku Administrasaun Públika sira nian, nune'e mos ema hirak ho naran boot no hetan méritu tanba sira nia kontribuisaun importante ba servisu órgaun ida ne'e nian.

## **Finansiamentu ba atividade sira**

### **(Art. 147)**

Kustu hirak mosu hosi atividade GTIM ka GTP nian sei hetan suporte hosi dotasaun orsamental Ministeriu Administrasaun Estatal nian.

## **Organizasaun interna no funksionamentu**

### **(Art. 148)**

Ministru Administrasaun Estatal aprova, liu hosi despaxu, regulamentu hirak kona-ba organizasaun no funksionamentu GTIM no GTP nian.

Bele aplika ba GTP, regra hirak preve ona iha artigu 22o to'o 31o hosi Decreto-Lei n. 30/2020, loron 29 fulan Julho hanesaun tuir mai:

## **Prezidente no Sekretáriu**

### **(Art. 22)**

1. Kada órgaun administrativu kolejiál hetan Prezidente ida no Sekretáriu ida, ne'ebé membru hirak kompoin orgaun administrativu kolejiál maka hili sira, maibé oinseluk bainhira lei preve oinseluk.
2. Kompete ba Prezidente órgaun kolejiál, tama tan ho funsaun seluk ne'ebé nia simu atu:
  - a) Konvoka sorumutu órgaun kolejiál ne'ebé nia preside;
  - b) Defini ordem traballu ba sorumutu ne'e;
  - c) Loke no taka sorumutu sira;
  - d) Dirige servisu sira;
  - e) Assegura atu kumpri lei no deliberasaun ho regularidade.

---

#### **Órgaun kolejiál:**

*Sentru institusionalizadu ba poder funsional sira, ne'ebe kaer hosi ema natural liu nain ida.*

3. Prezidente bele deit suspende ka taka antesipadamente sorumutu bainhira sirkunstansia hirak esepsional ejiuji atu hala'o ida ne'e, liuhusi desizaun ida ne'ebé bele justifika no hakerek iha akta sorumutu nian, ne'ebé bele revoga hanesan rekursu ne'ebé hato'o kedas ba órgaun nia plenáriu no hetan votasaun favorável no tuir ninia dalan, liuhusi maioria dois-tersus hosimembru hirak ho direitu ba vota.
4. Prezidente ka ema ne'ebé troka nia bele reaje tuir dalan judisiáriu hasoru deliberasaun hirak hosi órgaun ne'ebé nia maka prezide bainhira nia konsidera katak deliberasaun hirak ne'e la tuir lei, nune'e mos atu buka hetan providénsia hirak kautelar no adekuada.
5. Sai nu'udar suplente prezidente no Sekretáriu órgaun kolejjál , maka vogal antigu liu hosim prezidente nian no resente liu vogal hosi Sekretariu nian no bainhira sira ne'e hetan empate maka hili vogal ida ho otas boot no klosan liu, maibé oinseluk bainhira lei ka estatutu hakerek oinseluk.
6. Kompete ba órganu atu desidi konaba verifikasaun ba presupostu hirak relasiona ho intervensaun hosi naran suplente ida.

## Sorumuitu Ordináriu

### (Art. 23)

1. Bainhira lei, estatutu ka rejimentu ka órgaun nia deliberasaun la determina, maka, Prezidente bele fiksa loron no oras atu hala'o sorumutu ordináriu.
2. Kualker mudansa ba loron no oras ne'ebé hakerek ona iha lei, estatutu ka rejimentu konaba atu hala'o sorumutu sira tenki komunika, minimu horas 48 antes, ba órgaun nia membru hotu-hotu, hodi nune'e bele garante katak sira hatene ona ho seguru no oportuno.

## Sorumutu Extraordináriu

### (Art. 24)

1. Atu hala'o sorumutu extraordináriu sei Prezidente maka konvoka, maibé oinseluk bainhira iha regra especial ne'ebé preve iha lei, estatutu ka regimento.
2. Prezidente iha obrigasaun atu konvoka sorumutu bainhira pelumenus untersu hosi vogal sira husu pureskritu, hodi hatudu assunto ne'ebé sira hakarak atu koalía, hanesan hakerek tuir mai:
  - a) KKonvokatoria ba sorumutu tenke fo-sai ona loraon 15 hafoin simu pedidu, maibé ho minimu horas 48 antes, molok atu hala'o sorumutu;
  - b) Iha konvokatoria ne'e tenke hakerek ho espesífiku, asuntu hirak atu koalía iha sorumutu;
  - c) Karik Prezidente la halo konvokatoria ne'ebé maka rekér ona, maka rekerente sira bele halo rasik konvokatória, hodi temi iha konvokatoria ne'e circunstância saida, hodi fo-sai konvokatoria ne'e, horas 48 antes, ba membru kolejiál sira.

## Órdem Servisu

### (Art. 25)

1. Órdem servisu ba kada sorumutu, sei estabelese hosi Prezidente no, karik iha regra especial oinseluk, maka tenki inklui mos asuntu hirak ne'ebé, kualker vogal ida hatu'o tiha ona ba finalidade ida ne'e, naran katak ida ne'e kompeténsia órgaun nian no pedidu ne'e hatu'o pureskritu ho antesedénsia minimu loron lima, loron-servisu-nian, molok hala'o sorumutu.
2. Bele halo deit deliberasaun konaba objektu ne'ebé tama ona iha ordem servisu sorumutu nian.
3. Iha esepisaun sira ba provizaun sira hosi número anterior, kazu hirak ne'ebé, iha sorumutu ordináriu ida, pelumenus dois-tersus hosi membru órgaun nian sira rekoñese urjênsia atu halo kedas deliberasaun ba assunto ne'ebé la inklui iha órdem servisu.
4. Ilegalidade ne'ebé mosu tanba la kumpri regra hirak relaciona ho konvokatória sorumutu orgaun kolejal sira nian, bele hadiak fali, bainhira membru hotu-hotu hosi órgaun ne'e, tuir hotu iha sorumutu, no la iha membru ida maka la hatan fali atu hala'o.

## **Kórum sorumutu nian**

### **(Art. 26)**

1. Órgaun kolejiál sira bele deit hala’o sorumutu, bainhira sira atu ba tuir sorumutu ne’e hamutuk pelumenus um-tersu hosi total membru ne’ebé hakerek iha lei.
2. Esepsaun sira ba provizaun sira hosi númeru anterior, órgaun kolejial sira ne’ebe kompostu hosi membru na’in tolu to’o lima deit, basa ida ne’e ema na’in rua deit atu forma Korum ne’ebé presiza ba hala’o sorumutu.

## **Kórum ba halo Deliberaun**

### **(Art. 27)**

1. Tuir regra, katak órgaun kolejiál bele deit delibera, bainhira hetan maioria hosi numeru legal ninia membru hirak ho direitu atu vota.
2. Bainhira iha primeira konvokatoria la hetan korum ida tuir preve ona iha numeru ida uluk, maka, iha mínimu horas 24 nia laran, tenke konvoka fali sorumutu foun.
3. Karik laiha dalan seluk ona, maka órgaun kolejiál hirak tuir iha sorumutu segunda konvokatória nian, bele halo deliberaun, naran katak ninia membru hirak ho direitu ba votu bele kompleta um-tersu.
4. Iha órgaun kolejiál hirak ne'ebé ninia membru sira kompostu hosi ema na'in tolu to'o lima, maka ema na'in tolu bele ona forma korum ne'ebé precisa atu halo deliberaun, bele mos iha segunda konvokatoria.

## Sorumutu hirak públiku

### (Art. 28)

1. Sorumutu órgaun administrativu kolejiál sira la'os públiku, exetu lei prevee buat seluk.
2. Bainhira sorumutu sira tenke sai públiku, maka tenke fo-sai ba públiku konaba loron, oras no fatin hirak atu uza ba sorumutu ne'e atu nune'e ema interesadu sira bele hatene ho antecedência horas 48, molok loron sorumutu nian.
3. Bainhira lei determina ka órgaun halo ona deliberasaun konaba buat ida ne'e, maka ema hirak ne'ebe assiste sorumutu públike ne'e, bele intervein hodi komunika, husu informasaun ka hato'o sira nia hanoin konaba assunto hirak relevante iha kompeténsia orgaun ne'e nian.

## Oinsa atu Vota

### (Art. 29)

1. Deliberasaun bele hala'o, hafoin hala'o tiha diskusaun konaba proposta hirak ne'e, bainhira naran membru órgaun kolegial ida hatudu ninia interesse ba ida ne'e no, karik lei haruka oinseluk, vogal sira maka tenke vota uluk no, ikusmai, maka presidente.
2. Deliberasaun hirak ne'ebé envolve juiz valor ida ba komportamentu ka kualidade ema nian, maka deliberasaun ne'e sei hala'o liu hosi votasaun sekretu, no presidente maka determina oinsa hala'o votasaun, karik sei duvida konaba objektu deliberasaun nian.
3. Bainhira exige fundamentasaun, maka presidente órgaun kolegial maka sei hatur fundamentasaun konaba deliberasaun hirak hala'o tiha ona liu hosi votasaun sekretu hodi temi mos diskusaun ne'ebé hala'o uluk tiha ona.
4. La bele tuir diskusaun no hato'o sira nia votu, membru órgaun nian hirak ne'ebé hetan ka hanoin katak sira hetan impedimentu.
5. Bainhira lei la haruka, maka bandu ba membru hirak hosi órgaun konsultivo no órgaun deliberativu hirak hala'o hela sira nia funsaun konsultiva atu abstain.

## **Maioria exigível iha deliberasaun sira**


### **(Art. 30)**

1. Deliberasoens sei foti, liu hosi maioria absoluta votu nian, hosi membru hirak tuir sorumutu, exetu ba kazu hirak ne'ebé lei ka estatatutu, ejiji maioria qualificada ka naton deit ho maioria relativa.
2. Bainhira ejiji maioria absoluta maib'e la hetan maioria ida ne'e, no la iha empate, maka sei hala'o kedas votasaun foun, karik situasaun hanesan ne'e mantein nafatin, maka bele adia deliberasaun ba fali sorumutu tuir mai no iha neba, naton deit ho maioria relativa.
3. Karik hetan empate iha votasaun, maka presidente sei kaer votu qualidade ka, karik lae, maka bele mosu dezempate, maibe oinseluk bainhira votasaun hala'o sekretu.
4. Bainhira mosu empate iha votação sekreta, maka tenki hala'o kedas votasaun foun no, karik nafatin mosu empate maka adia tiha deliberasaun ba sorumutu tuir mai.
5. Karik iha votasaun da-uluk hosi sorumutu tuir mai, nafatin mosu empate, maka sei hala'o votasaun nominal, ne'ebé konsidera maioria relativa hanesan naton ona.

## **Akta sorumutu nian**

### **(Art. 31)**

1. Ba kada reuniaun tenki hakerek minuta, ne'ebé hakerek resumu konaba hotu-hotu ne'ebé okorre no ne'ebe relevánte ba koñesimentu no ba avaliausaun konaba legalidade deliberausaun ne'ebé hola, designadamente konaba data no fatin reuniaun, órdem servisu, membru ne'ebé iha, asuntu ne'ebé hakerek, deliberausaun ne'ebe hola, forma no hato'o votasaun no Prezidente nia desizaun.
2. Sekretariu sei hakerek Akta sira no submete ba aprovasaun hosi membru sira, bainhira remata ona sorumutu ka bainhira hahú sorumutu tuir mai, hodi hetan assinatura, hafoin aprovasaun hosi prezidente no sekretáriu.
3. Sei la participa iha aprovasaun konaba Akta sira ne'e, membru hirak ne'ebé la tuir sorumutu ne'ebé hala'o ba ida ne'e.
4. Karik hetan deliberausaun hosi órgaun, maka sei aprova akta iha kedas sorumutu ne'ebé hala'o ba ida ne'e, iha minuta sintétika, no tenke transkritu ho konkretu tebes no submete fali ba aprovasaun.

- 
5. Akta hirak ne'e hamutuk sei hetan konfirmasaun no hetan pájina hodi bele facilita, bainhira atu hatama tan Akta hirak foun no impede netik atu Akta hirak ne'e haksoit ba fatin seluk.
  6. Deliberaun ba órgaun kolejiál bele deit sai efikaz, hafoin Akta hirak ne'e hetan aprovasaun ona, ka hafoin assina tiha minuta hirak ne'e, no efikásia hosi deliberaun hirak ne'ebe temi iha minuta nia laran sei remata, bainhira Akta hosi sorumutu ida ne'e la produz hikas fali.
  7. Membru órgaun kolejiál sira bele hakerek iha Akta nia laran, sira nia votu hanesan vencido, hodi fo-sai razaun hirak ne'ebe justifika sira nia voto, hodi nune'e, sira livre hosi responsabilidade hirak mosu bainhira hola decisão sira.

